

1. **Lječilište „Reumal“ Fojnica** ul. Banjska br. 1 ,Fojnica, koga zastupa direktor Ismira Kubat, mr.ph., (u daljem tekstu : Lječilište) kao davaoca usluga s jedne strane, i
2. **Sindikata umirovljenika Hrvatske iz Zagreba**, ul.Trg Kralja Petra Krešimira IV.2 Zagreb, **OIB 68205802695** koga zastupa predsjednica, **Višnja Stanišić** (u daljem tekstu: **Sindikata umirovljenika**) kao korisnika usluga s druge strane,

zaključili su sljedeći

UGOVOR O POSLOVNOJ SARADNJI

Član 1.

Predmet ovog Ugovora je pružanje usluga fizikalne rehabilitacije za članove Sindikata umirovljenika Hrvatske u objektima Lječilišta, kao i pružanje usluga reklame Lječilišta u Glasu umirovljenika , mjesečniku Sindikata umirovljenika Hrvatske.

Član 2.

Osnovni elementi programa fizikalne rehabilitacije, a koje prihvataju obje ugovorne strane, su sljedeći:

1. Sadržaj programa

- lječarski pregled,
- kontrolni lječarski pregled po potrebi,
- četiri terapije po preporuci lječara (osim manuelne masaže)
- korištenje wellness bazena po preporuci lječara
- vođenje medicinske dokumentacije (karton i otpusno pismo) i
- pansion (smještaj u 1/2 i/ili 1/3 sobama, tri obroka dnevno) u objektu Reumal

2. Cijene programa su:

- a) od 01.01. do 28.02. – 84,00 KM
- b) od 01.03. do 31.05. – 91,00 KM
- c) od 01.06. do 31.10. – 95,00 KM
- d) od 01.11. do 31.12. – 91,00 KM

3. Doplata za 1/1 sobu u periodu:

- a) od 01.01. do 28.02. - 25,00 KM
- b) od 01.03. do 31.05. - 28,00 KM
- c) od 01.06. do 31.10. - 30,00 KM
- d) od 01.11. do 31.12. - 28,00 KM

U navedene cijene uključen je popust od 30% za članove Sindikata umirovljenika Hrvatske u odnosu na redovne cijene Lječilišta.

Član 3.

Plaćanje usluga iz člana 2. ovog Ugovora se vrši u BAM (konvertibilna marka), ili kartično na recepciji Lječilišta.

Cijene se odnose na program u trajanju od minimalno 10 (deset) pansionskih dana.

U toku rehabilitacionog programa usluge terapije se pružaju svakim danom osim nedjeljom.

Nedjeljom je slobodno korištenje bazena i trim kabineta, uz prethodno odobrenje lječara.

U cijenu programa je uračunato i obavezno dnevno osiguranje.

Program mogu koristiti umirovljenici i njihovi supružnici, uz člansku kartu kao dokaz da su članovi SUH-a.

Član 4.

Sindikatu se obavezuje da će obavještavati svoje članove o pogodnostima koje pruža Lječilište „Reumal“ u oblasti medicinske rehabilitacije

Svu organizaciju evidentiranja umirovljenika za korištenje programa, rezervaciju smještaja, slanje uputnica i sl. preuzeo bi Sindikat umirovljenika.

U realizaciji ovog Ugovora Lječilište odobrava Sindikatu umirovljenika na svakih 30 kreveta jedan krevet GRATIS.

Za svaku pojedinačnu grupu Lječilište zadržava pravo mogućnosti pregovora oko posebnih uslova boravka u svojim objektima.

Član 5.

Lječilište Reumal preuzima obavezu oglašavanja u Hrvatskom umirovljeničkom listu četiri puta godišnje i informisanja njegovih čitalaca o svojoj ponudi, aktuelnim cijenama i popustima.

Za sva oglašavanja u navedenom Listu, Matica Lječilištu odobrava popust od 10 % i iste te objavljene informacije obavezuje se ažurirati na svojoj web stranici.

Član 6.

Ovaj Ugovor stupa na snagu danom potpisivanja.

Sve izmjene i dopune osnovnog Ugovora regluisat će se Anexom, uz saglasnost obiju ugovornih strana.

Član 7.


Ugovorne strane su saglasne da će sva eventualna sporna pitanja proistekla iz ovog Ugovora, rješavati sporazumno, u načelu uzajamnog povjerenja i u duhu dobrih poslovnih običaja.

Ukoliko ugovorne strane ne postignu sporazumno rješenje, za rješavanje spora ugovara se nadležnost Općinskog suda u Travniku.

Član 8.

Ovaj Ugovor je sačinjen u 4 (četiri) istovjetna primjerka, od kojih svaka od strana zadržava po 2 (dva) primjerka.

ZA LJEČILIŠTE „REUMAL“
FOJNICA
DIREKTOR
Ismira Kubat, mr.ph.
univ.spec.nutr



SINDIKAT UMIROVLJENIKA HRVATSKE
SUH
PREDSJEDNICA
Višnja Stanišić



Broj protokola: 3/4-2- 223

Datum: 22/01 2026. godine

Broj protokola: 5/2026

Datum: 22/01 2026. godine